

ত্রিপুরা হাফাঙ
ককথুম তেই হুকুমু দাগিখুঙ

স-২৮ ১৫

আগরতলা, ১১ সেপ্টেম্বর, ২০২৫

ক্রিমিনাল কেৱঙন' ৱীগীই ফুনুকমুঙ পানদান' চেঙগীই ৱিখা মন্ত্ৰি অকীরা

ভারত হাকতৱ বেৱেমনি জেসা কেৱঙ তেই তাঙবীতাংন' মুকথাঙ
খীলায়নাঅ হাসতে তাবুক হাকতৱনি বিসিংগ' পুইলা ৱেম তঙগ'

তঙকসঙ লুকুৱগন' জৱানি বিসিংগ' তেই সয় সয়খে সুডালাই ৱিউই মানখেন' কেৱঙন' তীয়ীই বৱগ পুইতু চানায়। মন্ত্ৰি বখ'ৱক নৱেন্দ্ৰ মোদিনি উনসুকমুঙবাইন' কলনেল পিৱিয়ডনি কায়থাম (৩) ক্রিমিনাল কেৱঙন' সীলায়ীই ভাৱতীয় ন্যায় সংহিতা, ভাৱতীয় নাগৱিক সুৱক্ষা সংহিতা তেই ভাৱতীয় সাক্ষ্য অধিনিয়ম হাকতৱ গীনাংগীই থাংনাই ১ জুলাই, ২০২৪ বিসিঅ চেঙগীই ৱিখা। থাংনাই ১০ সেপ্টেম্বৰঅ হাপানিয়া ইন্টাৱন্যাশনাল ফেয়াৱ গ্ৰাউন্ডনি ইন্ডোৱ এক্সিবিশন হলঅ সালবা (৫) ৱমীই কায়থাম কীতাল ক্রিমিনাল কেৱঙন' ৱীগীই হাসতেৱেমনি কায়সা ফুনুকমুঙ পানদান' চেঙগীই ৱিউই অ কক সাখা মন্ত্ৰি অকীরা প্ৰফেসৱ (ডা.) মানিক সাহা। ফায়নাই ১৪ সেপ্টেম্বৰ জৱা অ ফুনুকমুঙনি পানদা তঙনায়। সালবুৰুম বুৰুমন' দামচি (১০) নি সিমি অ ফুনুকমুঙ পানদা ফিয়কজাকনাই। অ কীতাল কায়থাম (৩) ক্রিমিনাল কেৱঙন' তীয়ীই কুবুলজাক জুদা জুদা নাইখুঙনি বীখাকতীই ফুনুকমুঙ খতল ফিয়কজাকখা।

পানদাঅ সঙচাজাক ফুনুকমুঙনি ককমাৱিন' তীয়ীই মন্ত্ৰি অকীরা সাখা, হাসতেনি তঙকসঙ লুকুৱগন' কীতাল কেৱঙন' তীয়ীই তেইব' কাহামখে সাউই মানৱিনা বাগীইন' অ ফুনুকমুঙ পানদান' চেঙজাকখা। মন্ত্ৰি অকীরা সাখা, হাকতৱনি কেৱঙ ৱাইদাঅ অ কায়থাম কীতাল কেৱঙন' দামানি বেলাইন' নাংকুকমা য়াপিৱি। লুকুৱগন' দাকতি দাকতি সুডালাই ৱিনানি ককন' খৱগ' তনিউইন' অ সীলায়মুঙ তুবুজাকখা। জৱা জৱাঅ কুবুনি জুদা জুদা ৱাইদাতীই কীলায়খে সুডালমানি বিসিংগীই লুকুৱগন' সেপৱিনাঅন' জত'নি সীলাই ফান বকসিনজাকখা। নৰ্থ-ইষ্টনি হাসতেৱগনি বিসিংগ' অ কেৱঙ ৱাইদান' ফীনাংন্যঅ পুইলা তিয়াৱ আংথানিঅ হোম মিনিষ্টাৱ অমিত শাহনি তীয়দুলমুঙবাই গুয়াহাটিঅ কায়সা পানদা সঙচাজাকখা। আৱ'অ হাসতেনি নাহাৱজাক য়াপিৱিৱগন' তীয়ীই কিসিচা কেসেকেৱেং আংলাই ফান' অ কেৱঙন' ফীনাংন্যঅ কুবুলজাক জত'নি থানসানি সাকথাৱমুঙবাই হাসতে হাফাঙ নাংমানি জত' য়াপিৱিন' য়াচাগীই মানখা। মন্ত্ৰি অকীরা তেইব' সাখা, ভাৱত হাকতৱ বেৱেমনি জেসা কেৱঙ তেই তাঙবীতাংন' মুকথাঙ খীলায়নাঅ হাসতে তাবুক হাকতৱনি বিসিংগ' পুইলা ৱেম' তঙগ'। হাসতেঅ লুকুৱগনি সেপ তেই বানিয়ানি তঙখৱ সীনাৰ্মীই তিসানাঅ জুদা জুদা কেৱঙ ৱাইদান' কীলায় খীলায়জাকখা।

আবরগ হাসতেনি হামকীরাইঅ কাহামনি য়াপিরি পিৰীই তঙগ'। মন্ত্ৰি অকীরা অ কীতাল ক্রিমিনাল কেরঙনি জুদা জুদা গীরাঙনি ককলাম' জরানি বিসিংগ' সুডালনানি, হাইন' বিরমান ফীনাংমান' মীথাকনানি, রীতীকথানিঅ ফরেন্সিক তেই ডিজিটালনি সামুঙন' ফীনাংনাঅ খবীই চেরাই, বীরাই, বিসি দকচি (৬০) লাইজাক চাকীরাগনি বাগীই অ কেরঙ রাইদাঅ তাম' তাম' সেপ তঙ আবন' তীয়াই খুরসাউই সাখা। ব খা খীলায়াই সাখা লুকুচিৎ অ কেরঙ লুকুরগন' কাহামখে সুডালনাঅ চুবাচু আংনাই।

পানদানি ককলাম' চিফ সেক্রেটারি জে কে সিনহা সাখা, খাকীরাব, সয় সয় তেই খা থনাই জেসা সামুঙফান' তাঙখে আবন' মুকথাঙ খীলায়াই মান'। হাসতেঅ অ কীতাল ক্রিমিনাল কেরঙন' ফীনাংনানি বাগীই কুবুলজাক জুদা জুদা নাইখুঙ তেই মথা সাকনি সামুঙন' সাকথারীই সামুঙ তাঙগীই তঙগ'। পানদাঅ হাসতেনি ডাইরেক্টর জেনারেল অফ পুলিশ অনুরাগ সাখা, কেরঙরগ আংখা লুকুচিৎ তেই লুকুরগন' কিতিংগীই। আব' তঙকসঙ লুকুরগনি বাগীই কেরঙ রাইদান' কীলায় খীলায়াই সীনামাই তিসানাই। পানদাঅ বরগন' কারীইব' কক নারীকথা হোম ডিপার্টমেন্টনি সেক্রেটারি অভিষেক সিং। পানদাঅ বরগন' কারীইব' মানজাক ফায়খা এমএলএ মিনারানী সরকার, অ্যাডিশনাল ডাইরেক্টর জেনারেল অফ পুলিশ জিএস রাও (আর্ম পুলিশ) তেই এম রাজা মুরুগন (ট্রেনিং)।

পানদানি পুইলাঅ ডিফেন্স অ্যাডমিনিস্ট্রেশননি বীখাকতীই মন্ত্ৰি অকীরান' গার্ড অব অনার য়াফারজাকখা। ফিয়কমুঙ পানদা পাইমানি য়াঙল' মন্ত্ৰি অকীরান' খবীই কুবুনি নারুডাইরগ ফুনুকমুঙ খতলরগন' বেরায়াই নায়খা। আ সালনি অ ফিয়কমুঙ পানদাঅ ডিফেন্স অ্যাডমিনিস্ট্রেশননি আদঙরগন' কারীইব' জুদা জুদা রাঙনক কতরনি রাঙ সীরাঙনাই, আশা সেবুক খীলায়নাই, অঙ্গনওয়াড়ি সেবুক খীলায়নাইরগ মানজাক ফায়বাইখা।
